

乾隆御製 詩文全集



三三三



中國人民大學出版社

乾隆御製
詩文全集

三三三

御製詩二集

御製詩二集卷之三十一

古今體九十首壬申一

壬申元旦

曙色昕昕杓轉寅青陽景運啟元辰祥徵仙
木豐爲瑞善作心田福自申玉帛萬方咸奉
朔惕乾一意永勤民守成休息吾初志却愧
仁風扇未涸

新正試筆

首祚韶年此日開敷天吉事與偕來綵屏誌

御製詩二集卷三十一

喜翔銀燕綺室知春綻玉梅協氣中和欽五
位從星風雨驗三台貞元消息如環轉省歲
勤民又始哉

元旦宴諸王六韻

天下人增歲寰中物報春簋罍酬上日禮樂
本彝倫大典疎情誼內朝展燕親青陽欣序
啟莠祿迂天申映座椒花麗盈庭鷺羽振和
平歌斂福敷錫萬方民

正月二日小宴廷臣

白獸規如上日陳九經曰敬繼親親誼聯堂
陞承

天貺化遜唐虞願俗淳寶鵲占年祥嚳富鴻
龍運斗氣和闐言言莫亟相稱頌同是吁咨
籌治人

題文徵明小像

沈德潛持明人畫徵明正

士也怡然允之

飄然巾塾識吳儂文物名邦風雅宗乞我四
言作章表較他前輩慶遭逢
德潛更爲徵明祠乞額因以德

御製詩二集卷三十一

藝清標四字賜之德潛額手稱慶且自謂
若非遭際之隆將同徵明沉滯終身云生
平德藝人中玉老去操持雪裏松故里遺祠
瞻企近最哉多士善希踪

張宗蒼蘭亭圖

永和脩禊會山陰畫本詩情足古今峯嶺當
春多暖翠林泉入勝有清音墨池誰繼跳龍
法文席如間倚樹吟結構分明舊相識昨來
飛蓋記曾臨

瑞樹歌

長白之山天所作隆崇案衍隣岵岵衆水之源會其極中產萬物兩儀神秀鍾於茲萬木傑池鬱爭長問年皆在循蜚疏佇時以上厥有瑞樹爲之伯如星拱北羣所瞻仰栖靈祇命圖以來眞神奇畢歆河本鳴緣支船不能進易威呼溯流而上乃至西埭墨勒溪威呼又不能進捨舟陸行一由旬斯見瑞樹臨厯厯近樹無凡草金光蔚敷披聳身三丈五尺餘叶七分去二其合圍上分十有二大枝莖

御製詩二集

卷三十一

三

葉輪囷各異姿其種有八若列眉松檜白楊遮勒穆則紫樺白樺密克特木及白榆叶自頂至根合十餘丈崢參差靈芝九本三秀滋是皆紀實非虛詞乃信神壤天所秘未許塵世尋常窺大樺徒傳八千歲較此奚啻父視兒特一瑞樹眞足陵駕前古史所垂宜乎長白之山開我國家萬年有道無疆基

重華宮侍

皇太后宴

初春景物罔和韶繡衮承歡載頌椒寶籙重欣開綺甲瑤觴首介獻芳朝沈香火底銀簧暖濃麝風前玉蕊嬌願共寰中尊愛意千秋萬歲奉東朝

古幹梅歌

槁木中有生意存恰似一陽來地底初番花信小寒前早綻梢頭兩三蕊獻春開歲報韶光玉笑珠輝乃纍纍江南諸物都不愛僧寺

御製詩二集

卷三十一

四

瓦盆驚見此鉛華洗盡識眞梅鄧尉萬樹皆孫子鳳舸延賓携以來添作佳談復爾爾溫室開花早去年篩簷暖日明窓紙南喧北冷固常經遲速隨時惟定理於何燦發先聲去江鄉消息誠難問花史或云去年花有待南國今仍爛漫矣當亦偶然何足奇聊爲濡毫貌形似

賜顧棟高

老不中書尙著書棟高雍正年間曾爲中書皤然鶴髮被

簪裾澹辭待詔來金馬榮爲通經到玉除詎
曰宸嚴常穆若欲諮民隱便傷如題屏合倣
王家例一語還湔足起予

文章風雅數東吳誰似沈潛味道腴爲慕談
經虛左席用宏錫類慰慈烏從教馬鬣榮光
賁要使蓬門義路趨不是沈香呼學士貂璫
扶掖重醇儒

古陶缶歌

鳥卵其形口在腹腹橢口弁德能畜製貽太

御製詩二集卷三十一

五

古匪今俗坎離既濟質惟朴用缶鼓缶義經
卜渾侖善好無薛暴叶土蝕萬年黜以穆壽
逾金石貴珠玉簠簋敦彝下風伏徒紀癸丁
及仲叔陶於河濱此其躅承漿酌酒來百福

董邦達秋山紅樹

雲表蒼峯迴不羣風翻紅葉落疑紛畫禪慣
解開生面古淡中餘錦繡文

張宗蒼雪谿飛瀑

珠貝林柯簷蔔園琉璃殿閣玉爲垣飛流不

共寒江凍爲識雲中別有源

雪正月六日

瑞葉舞風翔新年第一祥宵衣欣我慰寶穡
卜其康疎密彌翼宇高低積素光試燈增玉
麗祈歲協金穰時祈辛齋居恰映宜春帖應成志
喜章豫齊均待澤翹望徧江鄉

祈穀齋居

大祀重初辛清齋潔意身幸看田積玉恰應
日臨人咨政常多愧求賢若可親敬勤隨歲

御製詩二集卷三十一

六

永憂樂後先頻

人日

相沿稱七日首祚應斯民恰擬陽初復欣覩
物共春韶英從舊微正月七日值國忌例屏不設樂不特齋居也
綵展新陳靜驗冲融志惟懷人者仁

命鄒一桂爲設色古榦梅輒疊前韻

繪事設色久不爲祇以節末非根底結習其
如未盡忘時復淡墨寫生蕊盆中古榦識春
工不作尋常百珠纍暗香疎朵五六丁呌絕

梅花賴有此常見南極老人圖鮐背睥面如
童子我會其意不能工北門學士其咨爾粉
本略具試設色發墨更喜宣德紙西清渲染
不多時已爲華光傳妙理富麗何須百首詩
詭奇似閱千年史桃夭杏豔誠彼哉漢柏唐
槐視此矣歌成大笑謂小山無乃爾爲太相
似

偶題

殘冬間聲去懶吟篇春來興發言泉佛法不虞

御製詩二集 卷三十一

七

爛卻詩裁想亦云然

詣齋宮作

祈穀鑾儀穀日排齋宮咫尺致虔齋試燈風
景皇都麗返樸還瀄爲切懷
銀色界中憑玉輦天膏濃處沃心田千門萬
戶曠曠日並作祥光與瑞烟
和韶九陌靄氤氲一雪從教物盡欣無象太
平眞在此豈關頌語飾繁文

瞻禮

皇乾殿

本朝

壇廟仍前明之舊百餘年矣因命次第重脩

適

皇乾殿工竣

祈穀預日例本應躬詣行禮載瞻枚實用愜

惓忱七字成詩千秋示志

郊廟規仍勝國遺百年應事鼎新之

三朝有待非從簡此日無遑敢更遲經始次

御製詩二集 卷三十一

八

當

祈穀後落成恰值預齋時式瞻輪奐申初敬

志切康年鑒在茲

祈穀禮成述事

首歲欽

元祀惟

天降百祥始升暉夜氣告備靄晨光志愜羣

寮慶心殷萬寶穰春祈十七度久敬敢云遄

重華宮小宴大學士及內廷翰林諸臣

重華文宴集羣仙瑞映瓊樓霽景鮮民瘼心
關既均此

天恩額慶合同然閒拈吟管聊酬節笑指春
杳又隔年去年南巡未畢是宴賀監金門重應制致予

逸興益飛遄沈德潛尚未南歸亦命預坐

賞開十葉應昌辰和會衣冠燕愷申生面齊
看戲毬獸別裁奚藉捉刀人毋相容易一堂
樂尙共嚆咨四海春嘉夜傳柑遲五日冰輪
如待載賡頻

御製詩二集卷三十一

九

雪獅聯句

御製精瑩玉質狀昂藏似虎如何不正黃占吉
辟邪誠備德

懷仁感澤自含章騰空瓊島凝天骨蹲

踞寒坪閃劍鋸前耳濕時如拂子臣史貽直

白毫淺色似針秧康居珍遠留唐賦王

會朝正比宋坊詎可擾馴因號國臣陳世倌

略施搏掬只依墻金毛種類何緣別白

澤貞符尙可詳皓體忽看呈兀兀臣阿克敦

御製嚴稜益覺厲洸洸一羣曾並來疏勒六出
剛欣舞載陽奚必周詩羨麟趾

合教垣宿應金芒迎年儘見千門戲職
賦無勞萬里航擬以白超真彷彿臣梁詩正

貌來烏弋重評量靈通手底嗤塗墨素

積天邊異琛糖釵砌粧成偕獸舞臣蔣溥

玉墀擁護絕鷗翔凝然豈識拋毬引塊

爾無妨擲戟槍氣噤反唇含霹靂臣劉統勳

御製凍乾強項挂鈴鐺詎同獬豸供人弄却避

御製詩二集卷三十一

十

蝗蟲兆歲穰乍睽星晴飛列缺

偶掀鬚鼻鯁狼臙鋸牙一一排銀爛鈎

爪森森浴鐵強飄絮從看添輭毳臣孫嘉謫

形鹽端可傲硯霜出林有勢平跳躍伏

地無聲遠卻攘華薩七毫原是夢臣汪由敦

釋迦五指若爲狂照書足貯彭亨腹觸

佞常留潔白腸瓊苑高蹲疑瑞鹿臣續璜

御製瑤階特立想神羊具威喜怒看首尾善吼

色空演幻常搏象兔均全力注

角魚龍戲廣廷張貼來紈剪西睨鬪騎

出奴翻假面涼安息天高還帶露臣介

曼殊座冷不飛香珠垂瓔珞留金殿色

借牟尼護寶床煙罩化為藏霧豹臣黃

月朦認作失林麇齊檐競訝來深巷埽

徑新堆集廣場天闕分形高岌岌臣董

御製崇牙並列猛趨趨甘蹄卻遜隄騰迅彤尾

猶麤閃灼光砌塑爭聽兒女鬧

詭奇可使豹狸僵似聞窻窻雄羣驚欲

御製詩二集

卷三十一

十二

奮之而震遠荒鱗甲紛從玉龍舞臣沈

規模學得土牛裘晶英恍惚銀泥印清臣沈

洌胚胎水玉相簇簇簾前多抱子臣錢

醴醴石畔儼成行殘雲猶與添拳鬣晴臣錢

旭初驚射怒睚道溯越山兼越海臣錢

御製兆覘時雨又時暘猙獰豈必歸全幻融潤

還因濟太剛慎德不期西旅貢熙春樂事報

農祥

沈德潛和韻有林壑已安仍戀主潞河

歸棹敢云過之句因疊前韻賜之

人間果見地行仙鵲驚行中鶴羽鮮恩許追

歡謂恬若情殷惜別乃凄然此人此語仍如

昔吳水吳山正有年分付春風莫相忘好吹

帆影再來過

再來應是歲庚辰庚辰為朕五十萬壽年曾與德潛訂約屆期來京慶

祝珍重高年命屢申早識雲卿擅當代不教

疏傳獨前人華茵聯句朋猶昨綺閣懸燈物

共春眠食倘彊思亟見宴陪撒荔莫辭頻

御製詩二集

卷三十一

十三

新春奉

皇太后駐蹕圓明園

西山積素見龍從六出重欣旋舞空景益上

林初報喜吉占多稼敢言豐行春玉樹銀花

麗侍

輦千秋萬載同却指鼇山成隔歲青郊燈事

記途中去春因南巡燈時未至園中

曲宴外藩卽席得句

朝正肆覲集賢王宴錫優駢制有常藉爾屏

藩宣北塞贊予垂拱迪

前光圓廬寫月紅雲擁廣樂熙春紫鳳翔三
爵油油稱既醉有人頗會漢文章

雪後萬壽山

雪色由來無不宜最宜玉巘疊參差新年行
樂來初地應節占農喜及時晴靄未教融凍
浦春風已覺綻南枝歲華合是依清曠綈几
瑤篇爲少遲

宴準噶爾夷使並許觀燈

御製詩二集

卷三十一

十三

典屬宣夷使觀燈錫寵榮銀花爭雪艷火樹
八宵明常凜勤邊戒聊通職貢情羈縻西旅
族邇亦解朝正

上元前夕

讓月魚雲朗慶霄太平燈節九瀛朝恒春樹
擁三山近不夜花開萬朵饒疑有仙人來貝
闕又聽樂府按雲韶冰輪遮莫分毫欠禁弛
金吾第一宵

上元燈詞

高揭冰輪朗照空晚來又定紫瀾風今年燈
景增妍麗都爲含花雪告豐

一綫煙光萬景舒紛垂銀赫復金蕖烏斯藏
使剛陪宴西域燈輪說不如

虹光百道絳霄流山外珠林水外樓卽景銀
牋試題句團圞寶月正當頭

雪餘玉樹釀微寒燈火南城夜未闌寶馬珠
簪明月裏踏歌聲喜遍長安

行春去歲憶南巡郊野煙花亦可人今夕縱

御製詩二集

卷三十一

十四

饒宮蠟艷爲田那忘觀光民

燈影遊絲簇畫圖合教麗句叶笙竽詩人老

去耽清澹那更繁華憶舊吳

調沈德潛

巧匠裁羅更剪綾爭奇裝作上元燈逢歡轉

念還酒責不道當然道未應

御園燈事乍經年鶴磻鼇山倍覺妍舞作太

平天下字敢忘夕惕與朝乾

上元後日小宴羣臣並命觀燈

一葉瑤階報落莫流陰瞥眼信無停頗饒逸

興留哉魄莫遲聲去連吟負始青雪朗西山送

寒色花輝東壁發春馨文筵例繼上元夜好

駐清光筆有靈

直廬何必擁青綾上苑相將玩影燈適值萬
幾方少暇漫誇百穀已成登鼇山最屬須臾
駕雁塔光明不計層爲問四明歸賀監踏歌
應制可重曾

題漢玉璧

藉甚結璘車飛來古月如吉雲常映護精氣

御製詩二集

卷三十一

十五

早含儲佩德思無斂不雕質有餘永惟君子
貴詎止重瑤琚

詠芝

瑤光蜚景彩協氣凝祥產九英標翠柯三秀
成金篆漫言龍馬如詎必石木辨招隱結遐
思求仙率荒誕德至則何有老養斯方勉

題莫景行西湖草堂圖

驚望湖山有所思遙情千里座中移玲瓏更
見雷峯塔喜未曾經劫火時

隱君景行外史張雨契知音供養煙雲寄靜心我

覺明湖絲竹關同然先得畫留今

山東得雪志喜

青齊去歲歉晚收所希小稔登麥秋屢聞三
白欠冬月惻然南顧心懷憂浙東況復災較
重朝夕蒿目無良謀截漕已過三之一太倉
所資命亟留邇來入春纔數日瑞雪頻見霏
皇州一以額慶一以望不知近遠均霑不忽
傳大吏報得雪云始齊莒逮魯鄒遺蝗入地
御製詩二集

卷三十一

十六

無復患舉趾足可興鋤耰嗟我災黎庶少濟
用此稍慰舒眉頭慰餘展轉愁復繼至今溫
台米價涌貴無停休

晴

雨雪既霑足春日喜載陽盎盎融朔氣靄靄
舒曦光候占驚蟄居東郊舉趾將宜暘適惟
時額手三農慶而我有厚慰北望恒皇皇塞
垣拂廬族生計惟牛羊當春草未萌所慮風
雪涼冰甸孽畜凍往往爲災傷內外皆我民

胥願獲安康彼此異苦樂兩得斯爲良而恒
不可得幅員廣且長冀或同一晴片時心萬
方

觀近稿偶題

年來微覺賦詩多卽景還頻選字哦業就無
妨姑且置再繙或已忘如何鯨魚碧海非吾
事華日卿雲慕古歌只有勤民心可驗時時
憂樂寄書禾

丁雲鵬掃象圖

御製詩二集

卷三十一

十七

語言不著坐金神掃象眞乘示應眞法供是
誰稱愜當紫檀軸首白檀身

文嘉支硎草堂圖

山水清音草木馨傳神不問識支硎蒼巖阿
那雲深處我亦微吟得少停

青蓮朵

客歲駐輦杭城偶於宋德壽宮故址尋
所謂藍瑛梅石碑蹟碑尙傑豎梅已槁
仆而其側猶有崔峯璽瓏碑兀刻削者

一峯存焉撫摩良久迴鑾後地方大吏
竟以舟便致貢念事已成留置御園旣
悔曩時未頒卻貢之旨轉思此石之來
將毋惜江樹之頽懷碩果之歎耶名之
曰青蓮朵而繫以詩

化石玲瓏佛鉢花雅宜旁置綠蕉茅皇山峭
透房山壯兼美端堪傲米家
傍峯不見舊梅英石道無情亦愴情此日荒
涼德壽月祇餘碑版照藍瑛

御製詩二集

卷三十一

十八

梅亡石在石誰憐碑蹟長從梅石傳石過江
來碑獨在江梅春到總依然

烟霞飽領西湖秀風月新綦七字吟一晌閒
庭憑峭蒨吳山重爲寄遐心

刻削英英陸地蓮一拳提示色空禪飛來驚
嶺分明在幽賞翻因意慊然

填倉日題

焰地春鐙雪掃花六街人尙戀年華昔傳端
識今堪例闌後從看靜可嘉十字雲腴謾說

餅一盃露馥且分茶拈毫卽景艱成句慙愧
詞臣頌八叉

前題又作

春雪旣霑足宜晴罍萬彙和風不鳴條澤潤
遍大地此日稱填倉俗例有深意于耜舉趾
時預籌一年計九州足倉箱萬民無一事生
息滋以繁日給尙虞匱豈易得餘三虛置倉
中積益凜祈年心庶可徐言治

初春遊玉泉山卽景五首

御製詩二集

卷三十一

十九

春雪初消嵐翠蒸玉泉報我景堪馮青龍橋
畔纔清蹕興到煙霞最上層

村路紆徐陞疊鱗土膏脈起不生塵柳將開
眼花含蕊雅似江南二月春

溪畔機房桑柘扶水田新闢治萊汙欲因幾
暇頻來往好閱天然耕織圖

構築精廬仿惠山竹爐清伴片時閒名泉有
德無分別豈較尋常伯仲間

爲第二故
戲及之

去年品泉以玉
泉爲第一惠山

碧泓春水映船舂別院韶光已可人江硯宜
毫供卽景却輸開府擅清新

正月晦日作

春氣和而盎春郊蘇以滋階蓂全落日輪桂
摠韜時華節堂堂過條風漸漸披凍開明鏡
影芳洩綠楊枝代序眞堪念健行勉自持摛
詞答詔令誰繼考功詩

題張宗蒼雪景

紅樓疊樹玉交枝石面皴銀瘦益奇習靜已
御製詩二集

卷三十一

二十

看僧戶閉衝寒偏有客舟移飛流破凍垂深
澗積素因風墮側陂想像行人迷竹塢幽居
何處認茅茨

賜別沈德潛南旋之作

聞道冰開潞水隄歸舟無那挂帆後剛欣西
苑重酬倡又向東風惜解攜杜老終懷故鄉
樂謝公會眷友人睽百寮儘有懸車者囊載
宸章孰爾齊

宋瓷鼎

見說輕堅大邑瓷幾曾髻墜匠師嗤餅盆徒
供家人饋均汝遙傳脩內司無益害功伊古
戒大烹養聖繫吾思穆然葆采陳裴几介紹
鳧鱉與鳥羣

仲春齋居

閨餘節令早仲月氣已和春草吐新色春水
生微波土脈旣欲動舉趾將日多祀典卜上
戊於古重祈禾宿三此預齋志一戒貳他安
能忘九寓屢豐願則那戶口況日增穀貴理

御製詩二集

卷三十一

二十一

亦宜叶逢年惟苟支失秋僅遂加叶調幕增
已慙填壑憂民瘥

唐人江城春午圖

江城若爲好春午最相宜素絹成圖日青蓮
得句時花光瀟錦浪晴色裊遊絲謁憶潤州
北居然坐對之

恭祀

社稷壇禮成述事

舉趾東郊農務臨質明承祭冀

居歆春祈秋報從常典民穀王封合並欽方
俎備陳肥腠物崇牙疊奏太平音潔觴三獻
昭和鬯德養方占歲在壬

春仲經筵

問闕經筵意未安

去歲以巡狩未舉是典

東風廣廈集

儒官不惟勤學因時勗要復存羊俾後觀制

事期無適莫見知人更念惠懷難

是日講尙書知人則

哲四句論語君子之於天下也一章

春卿儀注百寮式詎祇從

容禮數寬

御製詩二集

卷三十一

二十二

玉鵲

此鵲惟神鵲其鳴不浪鳴眞看以玉抵豈是
啄槐成善肖彊彊態空傳喑喑聲翩翻在懷
袖占喜愜人情

仲春瀛臺卽景二首

冰開太液試遊龍鏡面樓臺瑞靄重傍岸青
含新芷刺隔林白引曉煙封都來幾日因循
過便覺芳春次第逢緣底行時今歲樂東郊
雪後土膏濃

柳生稊際花含蕊花柳相宜爛漫前綠渚浴
鳧新樂趣玉梅落瓣舊韶妍輕寒不勒萌青
草細響纔淙帶碧泉與物同遊春浩蕩奉時
布化協天權

承光殿

朵殿中間埤堦高光春臨眺興因豪庭前檜
匝陰千步隄外船添水一篙機暢鳶飛與魚
躍景明玉螭復金鰲低雲又隱西山色好及
耕時潤土膏

御製詩二集

卷三十一

二十三

題錢維城蒼崖烟磴

疊磴平懸若可登連林霞蔚復雲興箇中似
礙窮遙目擬據千峯最上層

命加賑浙省去歲被災州縣詩以示意

兩浙去歲災東較西爲甚嗟嗟我黎民啼饑

缺餐飪石粉聊充餓因以致病瘵

粉饑民有礙以疾苦欲盡知終夜不安枕救

充食而致病者災無奇方屢留太倉稟晚秋縱稍穫鋪啜僅

餘瀆青黃不接時艱食行哀諗申命地方吏

吾意其悉審食爾無安肉衣爾無安錦爲民
之父母曰惟爾及朕子餓父則飽於心其奚
忍叶賑濟期雖溢更發我倉廩博施慎無遺
庶蘇彼慙慙梗概示端倪施行尙勲恁人力
惟小補仰望早稻稔

春雪

北方多春雪宜暄不宜冷著地爲新澤灑空
帶輕影東郊麥紐芽遙看青被町過虞凍孚
甲吾心爲耿耿晨興對時晴

王羲之快雪時晴帖墨蹟每於

御製詩二集

卷三十一

二十四

雪窗展玩故云評書酌清茗

晴

雪化疑春雨風和湊午晴如酥千畝潤似毯
二牟萌允協時平秩還欣物向榮明朝西直
外憑輦閱新耕

詣暢春園

皇太后宮問安

經筵祭

社勅春官數日仙園闕問

安敬悉

起居增慰藉對時撫景總生歡

御苑韶光已不遲山隈欲綻小桃枝更將麥

隴青蔥象奏博

慈宣一笑怡

昆明湖泛舟之作

春舟泛春水如友邂逅新左右無不宜行止

咸欣欣綠蒲未隱岸白芷纔刺滑鏡影涵疏

峯濯濯亦可人旅雁自南來沙渚相依親明

御製詩二集

卷三十一

二十五

朝還北去迴望瀟湘雲

山桃花

江北桃先杏江南杏先桃月令及花史定論

終訛淆邇日多東風火迫洞口條絕勝纔依

依何必競夭夭兩年御苑春往往途中拋

歲前

歲巡保陽去臨芳思倍佳斐然命宣毫

賜題夜紡授經圖

索觀錢陳羣香樹集有題其母夜紡授

經圖慈孝之意惻然動人且以見陳羣

問學所自來也輒成二絕句題之

篝燈課讀澹安貧義紡經鋤忘苦辛家學白

陽諳繪事成圖底事待他人

陳羣母陳氏善畫

五鼎兒誠慰母貧吟詩不覺鼻含辛嘉禾欲

續賢媛傳不愧當年畫荻人

偶閱左傳宋楚泓之戰事因題

阻隘鼓僂雖失正狗名味義詎非癡經書明

鑒傳千古識務通權用者誰

雜詠

御製詩二集

卷三十一

二十六

天下非常事可一不可再做之善已差不多

翻致敗如彼西施顰效益增醜態真宗封劉

氏所累君德大李沆焚手詔不計己利害臣

沆爲不可老臣實忠愛意直詞則婉君子其

言藹神宗勅吏部久任示規誡因納御史言

撫鎮數進退責成戒紛易政要庸何礙而胡

王家屏封還博佳話黨同庇其私謬謂國體

賴柔懦權下移國體益大壞明不旋踵亡其

忠乃安在

題漢玉印章

紐篆見炎劉圭璋德並儔龍文席筍煥虹彩
屋梁浮不見雕鏤迹欣供什襲哀遐思元凱
後又遇十人周向藏秦漢印十六枚爲一匣
會題詩有如逢八元凱可不
共瞻咨之句茲閱數歲又集此
十枚爲一匣藏之故末句及之

御製詩二集卷三十一

二十七

御製詩二集卷之三十二

古今體九十七首壬申二

花朝

九十春過半花開未一分春光信不少假藉
花事胡乃偏逡巡含胎紅杏潤曉露綻蕊緋
桃烘暖雲去年此日江之濱廣陵節物撩眼
新繁絃急管頗覺闌雪梅水仙別有神朝來
更不宣樂部清賞轉憶邦江民

水周堂

御製詩二集卷三十二

湖上構洞軒四面滄浪意憑欄攀白芷沙棠
不須試臥波虹飲練倒影山澄翠怡性翰墨
芳樂志智仁備水周擬虛舟淺言具深義常
凜荀卿論匪慕莊生致

雨

江南春盼晴冀北春艱雨損彼益此間兩地
均得所族雲邇日濃脈起東郊土勾萌含潤
澤韶景滋和煦朝來霏細絲樂趣同農父濯
枝聲不喧津莖葉初吐園林致益佳大似吳